

## Еным вурсымо нерген

Ачан, Эргын, Святой Шўлышын лўмеш!

Святой преподобный Ефрем Сирий Кугу пўтō годым кумалме молитважын кумшо ужашыштыже Господь деч «Мыланем иза-шольо-шамычым осалыш лукде илышашым да шке языком ужын моштышашым пу» манын йодеш. Ме öрын колтена, молан Господь деч святой Ефрем еным вурсымо, ўлык шындыме койыш деч утлаш вий-куатым йодеш? Вет еным вурсымаш изи экшык велыс?

Ўмбач ончалаш гын, еным вурсен кутырымаш осал пашалан огеш шотлалт, вет ме кажне кечын кōм-гынат вурсена, ўлык шындена, мыскылена. Яра жапна лектеш гын, пошкудо дене манеш-манешым ойлаш вашкена. Лишыл егна, вес пошкудына-влак нерген тўрлым ойлена.

Чынжым каласаш гын, еным вурсымаш калык коклаште чот шарлыше кугу язык. Черке тидын нерген эрсак ушештара. Тидыже мемнан шўм-чоннан могай улмыжым рашемда. Тыршет гын, тиде язык деч утлаш лиеш. Тудын деч коранаш кугу вий-куат, чытымаш огыт кўл, улыжат мутланыме годым еным вурсымо деч шкем кучыман да йылмым сорлыклыман. Но кажныже шке опытшо гыч пала, еным вурсен ойлымо деч шкем кучаш пеш неле.

Молан вара тыге лиеш? Амалже кушто, паледа? Еным вурсен кутырымына годым ме шкенам шке кўшкō шындена, ен деч сайрак да ушанрак улмынам ончыктена. Утарышынан мытарь ден фарисей нерген притчыштыже каласкалыме семынак, тачат еным вурсен ойлымаш тугаяк кодын. «О, Юмо! Мый моло ен гай агыше, осалланыше, яжарланыше але тиде йозак погышо гай омыл, тидлан Тылат таум ыштем» (Лк.18,11). Тыге фарисей мытарьым ончен, черкыште кумал шоген. Еным вурсымашын кōргō шонымашыже – тиде шкем шке моктымаш.

Святитель Димитрий Ростовский тыге ойлен: «Еным вурсен ойлышо ен воштончыш гай, еным раш ончыкта, а шкенжым огеш уж але тудым купышто шогышо монча дене танастараш лиеш, еным мушкеш, а шкеже лавыран вўдыштō шога».

Улыт эше тыгай ең-влакат, кудышт шкеныштын осал койыш-шоктышыштым вес еңлан тушкалтен пуат, кеч нуныштын тыгай экшыкышт йөршынат уке да лийынат огыл. Черке эре ойла: христианинлан еным вурсен ойлыман огыл, вет еным ужын-колмаш язык, ме вурсымо енын шүм-чон илышыжым йөршын огына пале.

Ең-влаклан вес айдемын шүм-чон тайныжым, тудлан Господьын палемдыме Юмын корныжым ужын мошташ пуалтын огыл. Чыла тиде тайне мемнан деч шылтыме. Лач Юмо веле айдемын шүм-чонжым пала, сандене мемнам аклаш, судитлаш праваже лач Юмын веле уло. «Жап шумешке ида судитле. Шке жапыштыже Господь толеш да пычкемышеш шылтымым волгалтара, ең-влакын шүм шонкалымыштым чараш луктеш, тунам тауштымаш кажнылан Юмо деч лиеш» (1Кор.4,5) манын, апостол Павел Коринфян-влаклан колтымо икымше серышыштыже возен.

Преподобный Серафим Саровский воктенак грамотым палыдыме, нимо денат ойыртемайтдыме Павел лүман монах илен. Серафим Саровский Святой Шүлыш полшымо дене ең-влакын шүм-чон шонымашыштым пален моштен. Тиде монах нерген Серафим ачана тыге ойлен: «Павел шольына Юмын Кугыжанышыш пура да поро пиалан илышым лач ик поро койышыжлан верч сулен налеш, вет тудо нигунам нигö нерген осалым ойлен огыл».

Мыланна еным вурсен ойлымым йөршын пытарыман. Вет еным вурсен ойлымына дене Чыла Ыштен Кертше Юмо ваштареш шогалына, кугу языкыш кок пачаш пурена: икымше, тиде Юмын судитлыме праважым лүдде шке үмбақына налына, а тыгай правана мемнан йөршеш уке; кокымшо, шоненак але шоныде, еным вурсымына дене шкенам шке күшкө шындена.

Еным вурсен ойлымаш мемнан шүм-чон илышнам лавыртен шога да языкын вынемышкыже шунгалтара. Кө Юмын закон почеш ила да Юмын күштымашыжым шукташ тырша, тудо эн ончыч шкенжын осалжым умылен налеш да Юмылан үшанле, Утарышынан подвигышлан йөрышö лияш тырша. Шке языкнам ужын моштена гын, ең-влакым вурсымо деч шкенам шекланаш тўналына.

Вот молан преподобный Ефрем Сирий молитважын кумшо ужашыштыже Господь деч «Мыланем иза-шольо-шамычым осалыш лукде илышашым да шке языком ужын моштышашым пу» манын йодеш. Святитель Феофан Затворник мемнам тыге туныкта: «Еным вурсаш огыл манын, шке языком келгын шижын моштыман да тудын верч ойгырен, шүм-чонна колен манын шортман. Вет шке суртыштет колышо уло гын, пошкудо суртысо колышо верч азапланаш от тўнал».

Айста таче кече гыч икте-весе нам вурсе нам чарнена. Аминь.

*Смоленск, Успенский кафедральный собор,*

*Кугу Пўтын икымше арнясе изарня, 2001 ий, 1 март.*